

als wenn ihnen viel von meinen Secreten
bekandt wären / vnd sich also grosser Wis-
senschafften fälschlich gerühmet. Wor-
durch ihrer viel der Meynung worden /
daß meine Schrifften eines andern vnd
nicht mein eygen Werck wären; Ist mir
also die Ehr / welche mir darinnen gebüh-
ren solte / entzogen vnd andern gegeben
worden. Vnd ist mir dieses mehr dann
einmahl widerfahren / daß einer oder an-
derer ein Stücklein mir abgebettele / wel-
ches er hernach bey andern für seine eyge-
ne Invention außgegeben / vnd sich groß
damit hat machen wollen. So finden sich
auch vnter andern etliche / welche in mei-
nen Büchern gelesen / vnd nach dem sie ei-
nes oder andere versuchen wollen / vnd
nicht alsobald alles haben treffen können /
derohalben angefangen / auff mich vnd
meine Bücher zu lästern / gleich als wann
ich die Warheit nicht geschrieben hätte /
da doch / daß sie nichts thun können / die
Schuld ihnen selbst / vnd nicht mir / der ich
deutlich genug geschrieben / zuzumessen.
Diese vnd andere Ursachen wären genug